



Universitätsbibliothek Paderborn

Viator Christianvs Recta Ac Regia in coelum Via tendens

Soliloquium Animae. Vallis Liliorum. De Tribus Tabernaculis. Gemitus & suspiria animæ poenitentis, seu de Vera Compunctione Cordis. Cohortatio ad Spiritualem profectum

Thomas <von Kempen>

Coloniae Agrippinae, 1682

XIX. De refugio pauperis as Deum adjutorem suum.

[urn:nbn:de:hbz:466:1-53320](#)

CAP. XIX. *De refugio pauperis ad Deum adjutorem suum.*

Tibi derelictus est pauper, or- *Psal. 9.*
phano tu eris adjutor. Bea-
tus ille pauper, cui Deus est ad-
jutor in omni tribulatione sua,
consolator in angustiis, unica
spes & confidentia in extremis,
corona gloriæ in regno æternæ
beatitudinis.

Pretiosa virtus voluntaris pau-
pertatis assumpta pro Christo, cu-
jus merces æterna permanet cum
Angelis in cœlo, quo fur non
appropiat ad furandum, nec ra-
ptor ad prædandum, neque latro
ad occidendum.

In multis periculis & curis
quotidianis sunt divites hujus
seculi, à quibus liber est servus
Christi, renuncians omnibus quæ
sunt mundi.

Magna libertas animæ fidelis,
quæ nil proprietatis habet in a-
liqua re mundi propter regnum
Dei & amorem Jesu Christi, sed
omnia possidet in Christo, qui

Volunta-
riæ pau-
pertatis
encomia.

Qq 7 pro

pro nobis pauper & dolens factus. Qui pendens nudus in cruce , non habuit ubi caput suum reclinaret, vel manum aut pedem usquam moveret.

Christus
ea exceil-
lyit.

Quis huic pauperi in omnibus indigentiis similis? Vere nullus. Propter hoc exaltatum est nomen ejus solius , super omnia in cœlo & in terra , & super omnia benedictum in secula.

O bona pauperies, nisi te Deus ante tulisset,

*Nunc tua durities cunctis de-
specta fuisset.*

Felix paupertas rerum , quæ tollit superbiam oculorum , & occasionem multorum vitiorum.

¶. Vere ille est pauper spiritu, qui de nullo verbo & facto bono superbis, nec in altiore gradu esse cupit, ne gravius cadat.

O quam magna virtus abdicata paupertas , nil habens in proprio ; quæ animæ aperit cœli portam, auget gloriæ coronam, & cum Martyribus meretur accipere patientiæ palmam , post hujus vitæ angustiam, in Christi servitio consummatam,

Nam

Nam hoc est veraciter & fide
liter Christo servire , pro ejus a-
more penuriam , & alia multa in-
commoda sustinere.

Beatus , qui de necessitate &
infirmitate sua facit virtutem ; &
de omni quod patitur , sequitur
Dei voluntatem.

Noli ergo pauper nimis con-
tristari , cùm inopiam pateris ; nec
indignari , si derideris , aut ab a-
micis tuis relinquenteris .

Converte cor tuum ad Chri-
stum , pauperem pro te factum &
infirmum ; quare solatium tuum à
Deo , & in Deo solo , si optas
semper esse in gaudio . Nam om-
nia alia solatia foris quæsita , nul-
la sunt , nec durant , nec sufficiunt ,
quantumcūque videntur magna .

3. Elige itaque Jesum Chri-
stum Dei filium , in specialem a-
amicum & cognatum tuum , reli-
quos omnes relinque propter
Christum .

Cave omnem socium volen-
tem te impedire à sancto servitio
Christi , & trahere ad seculum
& portas inferni . Lata est enim Matt. 7.
via , quæ dicit ac inferos ; & multi
sunt .

Felix , qui
pro Chri-
sto pau-
per .

Et ab ip-
so solatiū
inopiz
quærit;

sunt, qui intrant per eam, ait Je-
sus Christus,

**Huc enim
solus ipse
sufficit;**

z. Ioan. 2.

Solus ipse sufficit ad perfe-
ctum solatium habendum , qui
potest dare regnum cœlorum, o-
mnibus relinquentibus regnum
mundi, & omnem ornatum ejus.

Transit enim mundus, & con-
cupiscentia ejus, tanquam fumus
venti, & flos agri arescens.

Sta ergo frater paupercule, fir-
missime in bono proposito sem-
per serviendi Deo; & permane-
cum fratribus tuis , die ac nocte
in laboribus multis, in loco isto
quem propter Deum primitus e-
legisti; & parentes ac cognatos
sponte reliquisti , & integre te
Deo obtulisti, ut etiam cum eis
maxime congaudeas in regno
Christi, & omnibus sanctis.

Nam pro parvo labore & bre-
vi dolore in mundo, reddetur ti-
bi æterna requies in cœlo.

Recogita sedulo sacra vulne-
ra Christi, & acerba ulcera pau-
peris Lazari , & proderit tibi in
agone, quando debes mori , & de-
hoc mundo transire.

CAP,